

DISSERTATIO JURIDICA
EXHIBENS

PARADOXA,

Ad Titulum

DE

JUSTITIA ET JURE,

PERTINENTIA,

QVAM,

DEO T.O.M. Clementer annuente.

Sub PRÆSIDIO

DN. JOHANNIS JACOBI
SCHERZII,

Institut. Imperial. Prof. P. Ordinarij,

Facultatis Juridicæ p. t. DECANI,

IN ALMA ARGENTORATENSIVM
UNIVERSITATE,

• SOLENNI *Eruditorum Censuræ*
submittit

JOHANNES FRIDERICUS MARX,

TABERNÆ-MONTANUS.

A. D. XIV. *Novembr. An. Sal. Rec. M DCC XXX.*

horis locoque solitis.


ARGENTORATI,

LITERIS Hæredum JOHANNIS PASTORII.



DEO,
PATRIÆ,
PARENTIBUS,
PATRONIS

ATQVE
AMICIS.



B. C. D.

PARADOXON

Regula illa :

Suum cuique tribue. pugnat aliquando cum Justitiæ fine.

§. I.



Singulare & extraordinarium prima facie videbitur hoc effatum omni illi, qui, quid sit Justitia, quæve potior ejusdem censeatur functio, considerat. Sive enim cum Ju-

A

STI-

STINIANO Imperatore (a) eam appellet
constantem & perpetuam voluntatem, jus
suum cuique tribuendi, seu [ut alij. (b) ma-
lunt) tribuentem; sive juxta CICERONEM (c)
definiat, quod sit animi habitus vel affe-
ctio suam cuique tribuens dignitatem ac
facultatem, Legibus vel moribus compe-
tentem, in communem societatis utilita-
tem; semper tamen differentiam specifi-
cam hujus affectionis humanæ à reliquis
affectionibus in tribuendo cuique suum,
seu in accurata distributione ejus, quod
cuique debetur, ut constituat, necesse ha-
bet; ita, ut liceat omnino sic inferre:
Quicumque Justitiam exercet, ille suum
cuique impertit; Et vicissim: Omnis su-
um cuique impertiens administrat Justi-
tiam. Hinc justa facere dicuntur, qui fu-
neribus tribuunt, quod ipsis debetur. (d)
Hinc

(a) pr. Inst. de Justitia & Jure L. 10. Dig. Eod.

(b) Franc. HOTOMANNUS in Comment. verb. Jur.

(c) Lib. II. de Invent. & Lib. V. de Fin.

(d) L. 2. D. In Jus voc. L. 20. §. 1. D. de Acquir. vel
Omitt. hered.

Hinc justum vocamus omnem, qui reddit Deo, quæ Dei sunt, & Cæsari, quæ Cæsaris; (e) qui non denegat, nec negligit, quod sibi, quod aliis, imo quod brutis, (f) ut debitum, competit.

§. II.

Si itaque Justitia occupatur in exacta dispensatione eorum, quæ cuilibet debentur, vitio certe nemini verti poterit, qui veritatem nostri Paradoxi in dubium vocat, & pugnam, quam illud sistit, non nisi imaginariam ac fictam esse autumat. Siquidem, quod fini Justitiæ adversatur, illud per rerum naturam ex ipsa Justitia descendere nequit. Evincunt hanc assertionem tot & toties jactati & usitatissimi canones: Qualis est causa, talis effectus. Consequens respondere debet antecedentibus. Propter quod unum quodque tale est, illud ipsum magis est tale. Finis dat mediis bonitatem. Qui vult fi-

A 2 nem,

(e) Matth. Cap. XXII, 21. & Ep. ad Roman. Cap. XHI.
v. 7. & 8.

(f) Prov. Salom. Cap. XII, 10.

nem, vult etiam media, &c. Jam verò
Justitiam ideo administrari, suum cuique
ad eum finem tribui, ut societatis humanæ
salus exinde resulet, quis ibit inficias?
Qui finis si plane impediatur & eidem
contrarius intendatur, tunc neque ejus
principium, seu id, ex quo effectus vel
principiatum fluit, invenitur tale, quale
esse deberet.

§. III.

Stabilita nihilominus ac illibata ma-
net Paradoxi prolata veritas, si ad quos-
dam particulares respiciamus casus. Ho-
rum duos nobis exhibet CICERO, (g) al-
terum de furioso gladium suum deposi-
tum, alterum de hoste patriæ ingentem
pecuniæ summam depositam repetenti-
bus; ubi reddere cuique suum pro pec-
cato, non reddere, pro officio reputatur;
addita ratione, quoniam depositarius ni-
hil contra commune cōmodum aut con-
tra

(g) Lib. III. de Officiis.

tra Rempubicam, quæ debet esse carissima, facere jure potest; non obstante, quod depositum regulariter ad nutum deponentis restituendum sit, nec invito eo retineri unquam queat, ne quidem ex causa compensationis, quam ceteroquin semper opponere licet. (h) Similia & huc spectantia nobis sistit Jurisconsultus TRYPHONINUS, (i) statuens 1°. Deponenti centum, si postea reus capitalis judicij factus publicationem bonorum suorum patiatur, deposita centum reddi non debere. 2°. Latroni spolia, quæ Aulo abstulit, & apud Sejum inscium deposuit, ab hoc depositario restituenda non esse; utut aliàs cuilibet depositario stricte injungatur, ut depositum deponenti, sive hic dominus sit, sive non sit, in specie restituat (k) tanquam suum; Hæc enim dicitur bona fides, ut

A 3

com-

(h) §. 30. Instit. de Action. L. penult. Cod. Depos. L. ult. C. de Compensat.

(i) in L. 31. Dig. Depositi. Ad quam Leg. vid. PUFEND. de J. N. & G. L. IV. c. 13. §. 5.

(k) L. 1. §. 39. L. 31. §. 1. D. Depositi. §. 3. Instit. Qui. bus mod. re oblig.

comissam seu depositam rem accipiat is, qui dedit. Ex quibus manifestò patet, non semper suum, sive verè & protinus suum, ceu in duobus prioribus casibus, sive certo respectu suum, prouti in posterioribus exemplis supponitur, cuique esse restituendum ac tribuendum, in tantum, ut, si danti suum restituatur, aliquando utilitati publicæ vim iniერი, necessarium sit.

§. IV.

Et recte quidem ac summo æquitatis fundamento nixus ita ratiocinatur JCrus. Suum enim tribuere non semper est, id cuivis concedere, quod stricto jure à me petere potest, nullo habito respectu ad publicum, vel aliorum, quorum interest, commodum; sed suum tribuere dicitur is, qui ita justitiam administrat, ut non distrahatur, seu abstrahatur ab ullius personæ justiore repetitione. Id est: Tunc demum censetur suum cuique tribuisse, si & publicæ & quorumvis privatorum rei
pro-

prospexerimus, quemadmodum leges æquitatis ac justitiæ id à nobis requirunt. Cardo ergo decisionis in eo principaliter versatur, ut explicemus, quid per *suum* sit intelligendum. Sumitur autem *suum* vel pro eo, quod alicui competit ex jure dominij vel alio jure in re: sic Venditor Emptori *suum* tribuit, cum rem emptam accepto pretio tradit; Sic Dominus directus *suum* tribuit Emphyteutæ, si re Emphythecaria quietè frui eundem patiatur; vel pro jure aliquo ad rem, seu ad rei alicujus aut facti præstationem. e. g. Publius, promittens Sejo, se Romam iturum, si Romam se confert, Sejo *suum* præstitisse; si Depositarius rem depositam debito tempore & modo restituit, *suum* deponenti tribuisse dicitur; Vel denique accipitur pro quavis facultate alteri competente exigendi aliquid à nobis, vel non exigendi, pro jure retinendi, habendi, videndi, possidendi, & in genere præstandi aut non præstandi omne id, quod intuitu
& publi-

& pùbli & privati emolumenti quisque alteri debet aut non debet, ita, ut dene-
gans quid alteri petenti, quod alter pete-
re jure non poterat, etiam *suum* [in hac
speciali significatione] tribuisse censeatur,
Ita à Debitore ad certum tempus ad resti-
tuendum obligato suum accipit Creditor,
ante terminum elapsum mutuum condi-
cens, eo ipso, dum nihil accipit. Ita Ju-
dex plus in Judicio petenti *suum* tribuit
hodie, reum ab instantia absolvendo &
actorem ut temere litigantem in expensas
condemnando. (1) Brevius: *Suum* voca-
tur vel physice, quoad externam faciem,
ac in abstracto, vel moraliter, consideratis
omnibus circumstantiis, & in concreto;
Illud si tribuitur, interdum finis Justitiæ
non obtinetur, hoc vero, si tribuitur, cum
fine Justitiæ pugnare nunquam potest.

§. V.

Ex quibus porro clarum est, in Primò
supra

(1) Conf. quoque SENECA L. VII. Cap. 4. & 5. de Be-
neficiis.

supra §. 3. recensitorum casuum, si furiosus gladium [ratione dominii] *suum* reciperet à Depositario, quod *suum* quidem consequeretur Deponens, partim, quia est Dominus gladii, partim quia liberum ipsi est, rem depositam quocunque tempore repetere. (m) Sed hoc ipso, cum insanians gladio accepto sibi & aliis maximum posset inferre damnum, melius *suum*, & in sensu morali, tribuitur *cuique* i. e. Deponenti, aliis & publico commodo, si Depositarius restitutionem gladii depositi, stantibus his rebus, ad tempus denegat. Idem dicendum de secundo casu, ubi Depositarius pecuniam depositam ei, à quo, ne, hostis patriæ factus, eandem in detrimentum patriæ impendat, omnino metui potest, reddens, *suum* i. e. rem deponenti propriam restituit; Verum hæc *sui* tributio fini Justitiæ, quæ est utilitas conjunctionis humanæ, non tantum private sed & publicæ, adversatur quam maxime.

B

xime.

(m) L. 11. Cod. Deposit.

xime. Quod bina sequentia exempla ex Pandectis allata spectat, de reo capitalis criminis, cujus bona publicata fuere, & de latrone subreptam prædam apud tertium, inscium de malitia, deponente, ait Jctus, bonam fidem exigere, ut depositam rem accipiat is, qui dedit, quippe cui, rem se restitutum esse Depositarius antea promiserat. Ergo & juxta hanc bonam fidem, seu potius stricta contractus & Legum verba, *suum* tribueret Depositarius, qui non alij, quam Deponenti præcise Depositum, licet malè quæsitum, restitueret. (n) Ast, cum hoc modo sæpius tertio, nimirum vero domino intervenienti, injuria fieret gravissima, & malitiam prædonum, quamvis innoxie adjuvando, publicæ quoque rei damnum inferretur, prudenter sane in textu allegato deciditur, non Deponenti latroni, verum Domino repententi, rem custoditam esse

arc-

(n) vid. GROT. de J. B. & P. L. II. Cap. 13. §. 15. n. 2.

restituendam, quo sic rei æquitas, quæ & ex persona Deponentis & ex omnibus personis, quæ negotio isto continguntur, impleatur.

PARADOXON.

Datur Jus Civile, quod nil minus est, quam civile.

§. I.



QVod pluribus aliis contigit vocabulis, quæ pro diversitate disciplinarum & artificiorum, imo sæpius in unâ eademque scientia vel arte pro ratione locorum, temporum, personarum aliarumque circumstantiarum varium valorem, nummorum instar juxta tritum illud: *Vocabula valent sicut nummi*, acceperunt, id certe & voces: *Jus* ac *Civile* expertas fuisse, vel solæ Leges Romanæ patefaciunt. Ratio & origo hu-

hujus rei quærenda in ipso usu, ceu optimo magistro,

*Quem penes arbitrium est et vis et
norma loquendi. (o)*

Dicitur enim I^o. in genere *jus*, omne justum inferiori datum à Superiore; qui posterior cum vel DEVS sit, vel homo, aliud vocatur Præceptum Divinum, aliud humanum; DEVS jubet aut mediate aut immediate; Immediata jussa Divina nobis exhibent primæ primis nostris parentibus in Paradiso præscriptæ Leges; Mediate vero hic jussus fit vel per Naturam vel per homines; Et quidem iterum per Naturam vel toti Universo seu omnibus creaturis, vel rebus tantum animatis, vel solis denique hominibus communem. Ad illa spectant Regulæ ita mundanis rebus inditæ, ut iis resisti nequeat, Decreta Naturæ aliàs appellatæ, ad quæ observanda

no-

nolens quoque & suspirans trahitur, (p)
secundum illud SENECAE (q)

O nimium potens

Natura! quam te colimus inviti quo-
que.

Qualia ordinata & Decreta esse possunt
sequentia & similia: Omne grave vel poti-
us, omne gravius deorsum. Ex iis, quæ cre-
scunt & decrescunt, unius corruptio est
alterius generatio. Omnia vana & muta-
bilia &c. (r) Sub *istorum* nomine veni-
unt inclinationes, motus atque instinctus
uniuscujusque animalis, secundum quos
unumquodque est à natura paratum &
determinatum ad existendum & ope-
randum convenienter ejus ordini ac pro-
videntiæ; veteribus τὰ ἀφ' αὐτῆς τῆς φύσεως, Prima
Naturæ, JUSTINIANO (s) Jura Naturalia
B 3 dicta:

(p) EPICTETUS Lib. II. Arian. Disp. c. 20.

(q) in Hippol. v. 1114.

(r) à SENECA vocantur Leges, quibus divina exercentur;
in L. II. c. 27. de Ira. Pertinet huc L. 20. §. 1. D.
de Serv. præd. rust. & L. 1. §. 1. D. de Aq. & aq. pluv.
& in primis capita priora Ecclesiasticis. prud. Salom.

(s) in pr. Inst. de Jure Nat. Gent. & Civ.

dicta; quæ vel plane non vel vix evitari possunt, & sæpe quoque sine cogitatione ac consilio fieri solent. (t) Huc pertinet maris & foeminæ conjunctio, conservatio & defensio sui, appetitus habendi ac agendi naturæ consentanea, & fugiendi eidem contraria. *Hæc*, quæ naturæ humanæ propria voluit DEVS, rectius Jus Naturale constituunt, JCrīs vero antiquis aliquoties sub nomine Juris Gentium (u) veniunt, cujus principia & exinde deductæ consequentiæ passim in corpore Juris Justiniani deprehenduntur. (w) Quod vero Deus hominibus per homines imperavit, e. gr. per Patriarchas, per Moſen, Prophetas, Apostolos & Evangelistas, Jus Divinum revelatum insignitur, & in Sacris

(t) Egregia plane sunt & lectu dignissima, quæ de apium favis ac aranearum telis habet SENECA in Epist. 121. in fin.

(u) §. 11. Inst. de Rer. Divis. L. I. §. 4. L. 2. & 3. D. de Just. & Jure.

(w) Peculiaribus tractatibus Regulas Naturales tradidere Ill. GROTIUS de J. B. & P. & PUFENDORFF. de Jure Nat. & Gent. præter alios.

cris continetur Literis. Sed & quæ homo homini vi potestatis suæ præscribit, *Jus* & *Jura* appellantur, sic Quirini jussa Jus Quiritum, Solonis vel Draconis dictata Jus Atheniense, Populi Romani constituta Jus Romanum componunt. Quæ significatio, & acceptio vocabuli *Juris* pro Lege seu toto aliquo complexu Legum vel consuetudinum hominibus ad actiones morales dirigendas à superiore præscriptarum vel approbatarum, genuina & propria est ac cæteris usitator. II°. Sumitur vox *Juris* specialiter pro jussu & sententia Prætoris. (x) III°. pro Juris arte seu Jurisprudencia. (y) IV°. pro facultate & potestate, quam quis habet à Lege, ut in definitionibus servitutum itineris, actus, ususfructus, usus &c. V°. pro loco, in quo Jus à Præatore dicitur. (z) Alios significatus minus communes qui scire cupit, adeat Collégium Juris Argentinense. §. II.

(x) L. 11. D. de Justitia & Jure. & Rubr. Tit. 3. L. II. Dig.

(y) pr. L. 1. D. Eod.

(z) conf. Libri II. Digest. Tit. 4. 5. 6. & 7. L. 11. D. de Justitia & Jure. L. 4. §. 1. D. de Interrog. in jure fac.

§. II.

Transimus ad vocem *Civile*. Denotat autem illa, si sensum vel Grammaticum vel Juridicum attendamus, idem, quod Civicum, quod ad Cives pertinet e.g. *Civilia* bella, *Civilia* Jura, seu quæ Civitati sunt propria; (a) Deinde id, quod viris solum competit, non foeminis non impuberibus; Ita officia virilia & *civilia* habentur pro Synonymis. (b) *Civile* porro opponitur precario; sic verba legitima, directa, imperativa & vulgaria *Civilia* dicuntur, & ab obliquis ac in modum precum prolatis verbis differunt. (c) Præterea *Civile* vocatur, quod æquum, quod urbanum, quod legitimum, quod honestum est, ac cum sana ratione conveniens. (d) Faciunt huc versus OVIDII: *Nec*

-
- (a) §. 1. Inst. de Jure Nat. Gent. & Civ. L. 6. & 9. D. de Justit. & Jure.
 (b) L. 2. §. 1. D. de Div. Reg. Jur. L. 18. C. de Procur. 2. §. 1. D. ad Scutum Vellej.
 (c) ULPIAN. in Fragma. T. XXV. §. 1. L. 7. D. de Vulg. & pup. Substit.
 (d) L. 23. in f. D. Quod metus causa. L. 24. D. de Legibus. L. 28. §. 2. in f. verb. sed etfi. D. de Jure Dot.

dicia dicuntur vel *Civilia*, quibus interesse privatorum, vel Criminalia, quibus interesse publicum prosequimur. (h) In sensu eminentiori *Civile Jus* vocatur Jus Romanum, (i) ad denotandam prærogativam, aut distinctionem ab aliarum Civitatum Juribus; item à Jure Naturali à Jure Canonico & Feudali.

§. III.

His præmissis ad nodum Paradoxi nostri dissolvendum, non opus erit ense Alexandri M. sed facile patebit lori extricatio ei, qui, quid *civile* in asserti nostri subjecto, quid in prædicato ejus nobis dicatur, perpendit. Quando enim de Jure *Civili* loquimur, intelligimus Jus certum in aliqua Civitate constitutum sive scriptum sive non scriptum, de quo, præsertim posteriori vix est ut dubitemus, tale datum fuisse & adhuc dari, quod rectæ, ratio-

(h) L. 27. D. de Injuriis L. ult. D. de Furtis. L. 28. §. 12. D. de Pernis.

(i) §. 2. Inst. de Jur. Nat. Gent. & Civ.

rationi , quod æquitati vel honestati ad-
versetur ; postquam ipse Imperator Ju-
STINIANUS (k) actot ante & post eum Legis-
latores (l) illud & agnoverint & simul re-
prehenderint ; Insuper Praxis quorundam
populorum ad hunc usque diem usitata
vel invitis nobis ostendat. (m) Hoc Jus,
utut durum , quin nomen Juris Civilis
obtineat in illis locis, ubi observatur, uti
extra omnem dubitationis aleam positum
videmus, ita quod idem contra bonos mo-
res ac æquitatis rationem, per consequens
incivilem iniquum sit , non est, cur am-
bigamus.

C 2

PARA-

(k) in Lege 2. C. Quæ sit longa consuetud, L. 7. D. de
Incend. ruina &c.

(l) CONSTANTINUS in Leg. all. 2. FRIDERICUS Barbarossa
in Auth. Habita &c. C. Ne filius pro patre. & CA-
ROLUS V. in Ordinat. Crimin. art. 210. vid. GRO-
t. de J. B. & Pac. L. II. C. 7. §. 1. Add. Cap. ult. X. de
Consuet.

(m) Huc spectant consuetudines, licet irracionales, ali-

PARADOXON.

*Jus redditur illi , contra
quem inique decernitur.*

§. I.



Stendimus in superioribus , atque enodavimus , qua ratione tribuendo vel non tribuendo suum alterius jus lædatur , nunc dispi-
ciamus quoque , quomodo jus reddi possit , ita ut is , cui redditur , suum non consequatur. Id quod eo magis mirandum videtur , quo certius est , Jus reddere sæpius idem significare , ac administrare Justitiam , Jus dicendo suum tribuere. Jus etenim , Justitiam ac Judicium promiscue sumi posse , ex supra dictis colligere licet ; *Reddere* autem non tantum denotat restituere , sed & de novo con-

concedere, distribuere; unde SENECAE (n) *reddere* est, id volenti dare quod debes; Sic dicitur *Judicium reddere*, actionem reddere (o) Prætor, qui agendi & suum in *Judicio* persequendi facultatem partibus largitur; Unde & hîc certe concludimus; Qui *Justitiæ* officio fungitur, ille jus cuique tribuit, & negative: cui suum à *Judice* non tribuitur, illi nec jus redditur. Nunc autem omnis ille, contra quem ini- que decernitur, suum, quod ipsi debetur, non nanciscitur, per consequens, neque *Jus* eidem redditum dici poterit.

§. II.

Verum ex inspectione *Legis ii. Dig. de Justitia & Jure* apparet; Prætorem ac omnem Magistratum & tunc *Jus* reddere, cum inique decernit; nimirum in *Thesi* *Jus* reddit, licet in *Hypothesi* ini-

que reddat, Leges male ad casum propositum adhibendo, ita quidem, ut parti jus talem sententiam contra æquitatem læsæ via pateat ad appellationis remedium. (p) Hinc per se manifestum fit, in Paradoxo nostro *Jus reddere* nil aliud significare, quam pronunciare inter litigantes, sententia sua litem motam decidere, quemadmodum supra (q) annotavimus, sive hæc decisio æqua sit, sive iniqua & à Judice superiore, ad quem provocatur rescindenda; Atque sic mirum non amplius erit, quod illi, contra quem inique decernitur & cui suum non impertitur, sententia tamen seu jus reddi à Judice dicatur.

§. III.

Casum huc pertinentem nobis sup-
peditat Jurisconsultus MÆCIANUS in *Lib.*
Fideicommiss. (r) ubi Prætor cognita
causa

(p) L. 5. §. 2. D. de Appellat.

(q) pag. 15. hujus Dissert.

(r) vid. Legem 95. §. 2. ad SCtum. Trebellian.

• causa per errorem , vel etiam ambitiose
jussit, hereditatem , ut ex fideicommissò,
restitui ; ac quæstionem : An ille Prætor
Jus reddidisse censendus sit , anque ejus
sententiâ executioni danda ? affirmative
decidit ; hac ratione ductus, quia publi-
ce interest, ut jussui Prætoris ad amissim
obtemperetur , etiamsi vel ex errore cul-
pæ suâ male ac inique pronunciaverit ;
Imo , quod majus est, etiamsi *ambitiose*,
id est ; gratiose , in gratiam ac favorem
alterutrius partis (s) contra conscientiam
& æquitatem decreverit, sicque suum cui-
que non tribuerit.

§. IV.

Obstare quidem hisce videri posset
Lex 1. §. 1. D. de Feriis. per quam sen-
tentia Prætoris contra Jus lata nullius mo-
menti & citra appellationem infirma de-
claretur cum uti factum à Judice, quod

betur, (t) ita nec factum Prætoris Juri
derogare oporteat. Quod autem nullius
momenti & nullum est, illud tanquam
pro infecto habitum subsistere nequit, ne
per momentum quidem, hinc sententi-
am dixisse aut jus partibus reddidisse in
nostro casu Prætor non videtur, ergo,
nec eidem mos gerendus, sed potius exe-
cutioni ad 30. annos Querela nullitatis ob-
staculo erit. (u)

§. V.

Verum enim vero salva nostra res est,
si distinguamus inter sententiam injustam
& sententiam iniquam, illamque appelle-
mus, quæ fit contra Jus in Thesi, seu con-
tra Constitutiones; exempli gratia, si Ju-
dex supra Jurisdictionem vel extra terri-
torium Jus dicat; (w) si causam deleget,
quæ

(t) per L. 170. D. de Div. Reg. Jur. L. 1. & 2. D. Quæ
Sent. sine Appell.

(u) Conf. Ill. GAIL. L. 1. Obs. 127.

(w) L. ult. D. de Jurisdic. L. 1. §. 1. D. de Off. Pr. Urb.
C. Qui pro sua Jurisdic. L. 2. & ult. C. Si à non comp.

quæ ad ejus Jurisdictionem non pertinet; (x). Si adversus rem judicatam pronunciet; hanc, quæ Legibus quidem civilibus non contrariatur, sed quæ eas male ad casum obvenientem applicando jus partis in hypothese lædit, per modum Appellationis retractanda ac corrigenda. (y) De illa *L. 1. §. 1. D. de Feriis.* de hac *L. nostra 11. D. de Justitia & Jure.* loquitur. Ibi nulla Sententia lata, nec Jus redditum, hîc lis pro decisa & Jus redditum recte censetur, tam secundum Canonici quam Civilis Juris principia; Utrumque enim Sententiam partibus vel plane non, vel male v. gr. ad diem feriatum citatis & absentibus latam ipso jure nullam esse jubet, (z) ea præsertim de causa, quod partes nunquam, vel non legitime, citatæ

D com-

comparere non teneantur, & quandoque
etiamſi velint , ſiſtere ſe non poſſint, ſic-
que abſentes inauditæ mancant, & inde-
fenſæ; per conſequens tale iudicium non
maturum, ſed præcipitatum, & ſenten-
tia in eo lata nullius momenti
ac invalida meritò ha-
beatur.

Soli DEO Gloria.

